



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI

N. 29 DE SU 15/02/2023

OGETU: PATROTZÌNIU A INDONU A FAVORI DE S' ASSÒTZIU A.S.D. G.S. ATLETICA CABUDERRA PO SA MANIFESTATZIONI SPORTIVA DE CURSA IN LOGU DE MONTI CHI DDI NANT "VII TRAIL DI CAPOTERRA".

S' annu 2023, su 15 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi sighint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi:

- cun annotadura de su 15 de friàrgiu 2023, arricida in sa Prisia (Protocolu) Generali de custu Enti cun Nùmeru 7081, su Senn. PISANI LORENZO, in calidadi de Rapresentanti Legali de s' Assòtziu A.S.D. G.S. *Atletica Capoterra*, at pediu su Patrotzìniu de su Comunu de Cabuderra po Sa Manifestatzioni Sportiva de Cursa in logu de Monti chi ddi nant "VII Trail di Capoterra", chi s'at a fai Domìnicu, su 26 de friàrgiu 2023, de is oras 08:00;
- su Progetu Eventu est de importu Sotziali e Sportivu mannu meda, e finas sena obietivus de lucru;

Torrada sceda bona a sa manifestatzioni;

Ca sa cuntzessioni de su Patrotzìniu est disciplinada de su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

Pigau atu de s' artìculu 2 de su Regulamentu "Su Patrotzìniu est un' atu autònomu cunforma a àteras formas de interventu comunali, comentu cuntzessionis de sali, de struturas, de contributus, e sa cuntzessioni sua est riservada sceti a sa cumpetèntzia de sa Giunta Comunali chi intervenit cun Deliberatzioni cosa sua";

Arriciu parri a favori po su chi pertocat sa regularidadi tècnica cunforma a s' art.49, c. 1, de su D.Lgs. n.267/2000, de parti de su Responsàbili de su Setori Sport e Spetàculu;

Pigau atu chi cunforma a s' art. 49 de su D.Lgs. n.267/2000, custu provedimentu no est sugetu a parri contàbili ca no ocasionat mudamentus diretus o indiretus a sa situatzioni econòmica - finanziària o a su patrimoniu de s' enti;

Cun votatzioni a totòmini cunforma a sa lei;

DELÌBERAT

De cuntzedi, cunforma a su Regulamentu po sa cuntzessioni de su Patrotzìniu Comunali, su Patrotzìniu a indonu de su Comunu de Cabuderra po sa Manifestatzioni Sportiva de Cursa in logu de Monti chi ddi nant "VII Trail di Capoterra", chi s'at a fai Domìnicu, su 26 de friàrgiu 2023, de is oras 08:00;

De autorizai s' imperu de su stema de su Comunu de Cabuderra, cunforma a s' art. 10 de su Regulamentu etotu;

De si riservai su diritu rèvoça de su Patrotzìniu in s' in casu de cunditziunis previdias de s' artìculu 13 de su Regulamentu;

De donai atu chi sa cuntzessioni de su Patrotzìniu no liberat de perunu òbligu a is organizadoris, previdiu de sa lei e/o regulamentu, pertocanti s'atividadi asuta de patrotzìniu;

De decrarai chi sa cuntzessioni de su Patrotzìniu no rapresentat un' autorizazioni a s' imperu de struturas comunalis o a s' ocupazioni de logus pùblicus chi depint essi pedius cunforma a is dispositzioni in vigèntzia;

De donai atu chi custu provedimentu no ocasionat gastus a càrrigu de su Comunu de Cabuderra;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
